



Norsk kulturskoleråd Vestland møtte stortingsrepresentantane for Sogn og Fjordane

**OSLO: Jakob Bjelland og Trude Skarvatur frå Norsk kulturskoleråd Vestland samd
rådgjevar Kristin Geiring i Norsk kulturskoleråd, saman med Arild Bjørkelo – NMH-student
og tidlegare kulturskuleelever – møtte 11. januar de fire stortingsrepresentantane for Sogn
og Fjordane.**

Dei fire representantane var (*f.v. på bildet*) Erling Sande (Sp), Torbjørn Vereide (A) , Olve Grotle (H) og Alfred Bjørlo (V).

Saman med medstudent Elias Voll (*begge frå Gloppen, red.anm.*), presenterte perkusjoniststudenten Bjørkelo eit kunstnerisk innslag. Bjørkelo delte sine erfaringar med politikarane både med omsyn til det positive og dei utmaningane kulturskuleeleven møter.

Styremedlem Trude Skarvatur presenterte status for kulturskulane i Sogn og Fjordane og kva for mulighetsrom det tredje lovpålagde skuleslaget har i kommunen.

Jakob Bjelland, tidligare styreleiar i Norsk kulturskoleråd Vestland, vart nett før jul utnemnt til statssekretær i Samferdselsdepartementet. Av den grunn lyt han gå av som styreleiar, men fekk dispensasjon frå statsministeren sitt kontor til å ta del i dette møtet, som var beramma før han tiltrådde.

Bjelland lyfta fram utviklingsområder vedteke på årsmøtet i Norsk kulturskoleråd Vestland i oktober 2021 samd Kulturskolerådet sitt høyringsinnspel på ny opplæringslov.

Politikarane fekk elles desse «utfordringane»:

- Meld. St.18 (2020-2021) [Opplev, skape, dele — Kunst og kultur for, med og av barn og unge](#): Eit samrøystes Storting slutta seg til at «Kulturskule for alle» skal vera visjonen for kulturskulane
- Status: 13 prosent av elevane har plass i kulturskulen
- Skal visjonen bli realisert må det arbeidast målretta med nye grupper, utvikla nye tilbod/kompetansar og ein må utvikla betre samarbeidsformer
- 80 millionar kr i årlege, søkbare utviklingsmidlar vil setja kulturskulen i stand til å nå Storting og regjering sine høge ambisjonar

Det skal ha vore god dialog i møtet, med relevante spørsmål frå politikarane med fokus på utvikling av det tredje lovpålagde skuleslaget.